

## Član 30.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-47122/22

23. novembra 2022. godine  
Sarajevo

Ministar

Dr. sc. **Omer Osmanović**, s. r.**GRAD SARAJEVO****Gradonačelnik**

Na osnovu člana 38. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), člana 9., člana 17a. i člana 28. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - prečišćeni tekst, 14/14, 31/14, 11/20, 16/22 i 22/22 - ispravka), gradonačelnica Grada Sarajeva donosi

**ODLUKU****O DODJELI PRIZNANJA - ZAHVALNICA GRADA SARAJEVA**

## Član 1.

Itu Makatu, ambasadoru Japana u Bosni i Hercegovini, dodjeljuje se priznanje - Zahvalnica Grada Sarajeva kao znak zahvalnosti Grada Sarajeva za iskazanu uspješnu saradnju i doprinos unaprjeđenju promocije Grada Sarajeva, kao i pruženoj podršci projektnim aktivnostima od značaja za Grad Sarajevo, na koji način je dao doprinos imidžu Grada Sarajeva kao humane sredine i mjesta ugodnog življenja.

## Član 2.

Gradonačelnica Grada Sarajeva će Zahvalnicu Grada Sarajeva, u obliku svečane diplome, uručiti prilikom zvaničnog susreta u službenim prostorijama Vijećnice, dana 23.11.2022. godine, o čemu će se izdati potvrda.

## Član 3.

Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01/14-04-7723/22

17. novembra 2022. godine  
Sarajevo

Gradonačelnica

Doc. dr. **Benjamina Karić**, s. r.**OPĆINA ILIDŽA****Općinsko vijeće**

Na osnovu člana 25. stav (8) i člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17), i člana 19. i 28. Statuta Općine Ilidža - Prečišćeni tekst ("Službene novine Kantona Sarajevo", br. 33/10, 18/16), Općinsko vijeće Ilidža na 18. redovnoj sjednici održanoj dana 18.11.2022. godine, donijelo je

**ODLUKU****O PRISTUPANJU IZRADI IZMJENA I DOPUNA REGULACIONOG PLANA "BUTMIR" - PO SKRAĆENOM POSTUPKU – IZGRADNJA ZELENIH POVRŠINA UZ DJEČIJA I REKREATIVNA IGRALIŠTA****Vrsta Plana**

## Član 1.

Pristupa se izradi Izmjena i dopuna Regulacionog plana "Bumir" ("Službene novine Grada Sarajeva", br. 04/89 i "Službene novine Kantona Sarajevo", 30/09) - izgradnja zelenih

površina uz dječija i rekreativna igrališta na zemljištu označenom kao k.č. br. 719/1, 719/2, 719/3, 719/4, 719/5, 719/8, 719/9, 719/13, 708 i dio 1271/10 K.O. Butmir (kat. stanje), u ulici Aerodromska do br. 47, po skraćenom postupku – u daljem tekstu: Plan.

**Granice područja za koje se Plan radi**

## Član 2.

Granica obuhvata polazi od tačke br. 1 koja se nalazi na parceli k.č. 1672, a ima koordinate  $y=6527000$ ,  $y=4852790$ , potom produžava na sjeverozapad idući međom parcele k.č. 1271/10 (obuhvata je) i dolazi u tačku br. 2 koja se nalazi na međi između parcela k.č. 1271/5 i 1271/10, a ima koordinate  $y=6526894$ ,  $x=4852844$ . Granica potom skreće na sjever sijekajući parcele k.č. 1271/10, 719/1, te nastavlja u istom pravcu obuhvatajući parcele k.č. 719/2, 719/13 i dolazi do tačke br. 3 koja ima koordinate  $y=6526930$ ,  $x=4852913$ , granica se lomi u pravcu jugoistoka idući međom parcele k.č. 708 (obuhvata je) te dolazi do tačke br. 4 koja se nalazi na parceli k.č. 1672, a ima koordinate  $y=6527017$ ,  $x=4852871$ , nastavlja na jug idući putem k.č. 1672 i dolazi do mjesta odakle je opis granice i počeo.

Sve gore navedene parcele se nalaze u K.O. Butmir, općina Ilidža.

Površina obuhvata iznosi  $P=0,87$  ha.

**Vremenski period za koji se Plan donosi**

## Član 3.

Plan se donosi za period do donošenja novog planskog dokumenta.

**Smjernice za izradu Plana**

## Član 4.

Plan se vrši na vlasničkim parcelama (k.č. broj 719/1, 719/2, 719/3, 719/4, 719/5, 719/8, 719/9, 719/13, 708 i dio 1271/10 K.O. Butmir (kat. stanje)).

Izmjena i dopuna Regulacionog plana "Butmir" ("Službene novine Grada Sarajeva", br. 04/89 i "Službene novine Kantona Sarajevo", 30/09), vrši se u granicama gore navedenih parcela, a u cilju stvaranja planskog preduvjeta za izgradnju zelenih površina uz dječija i rekreativna igrališta kao i reorganizaciju planiranih parcela za izgradnju individualnih stambeno-poslovnih objekata.

Kod izrade Izmjena i dopuna Plana neophodno je sagledati sve parametre koji utiču na projekciju izgradnje i uređenja prostorne cjeline, analizirati prirodne i stečene uslove u prostoru, analizirati promjene u prostoru u odnosu na važeći Regulacioni plan "Butmir", te dati sintezu postojećeg stanja za područje obuhvata u skladu sa članom 60. Uredbe o jedinstvenoj metodologiji za izradu planskih dokumenata ("Službene novine Federacije BiH", broj 63/04, 50/07 i 84/10).

Na osnovu gore navedenih analiza, a prilikom izrade urbanističkog rješenja Izmjena i dopuna Plana, pridržavati se slijedećih urbanističko-tehničkih uslova:

- planirati izgradnju zelenih površina uz dječija i rekreativna igrališta na dijelu parcele k.č. 719/1, k.č. 719/3, k.č. 719/4, k.č. 719/8 i k.č. 719/9 K.O. Butmir, sa pristupom iz ulice Aerodromska;
- potrebno je zadržati koncept saobraćajne mreže definisan važećim Regulacionim planom, kako položajno tako i po gabaritima;
- okvirna površina koju zauzimaju zelene površine uz dječija i rekreativna igrališta iznosi oko 0,4 ha;

- sadržaje je potrebno koncipirati u više zona za igru djece raznih uzrasta, te predvidjeti funkcionalne zelene površine;
- formiranje zelenih površina uz dječija i rekreativna igrališta ima određena pravila i zakonitosti, odnosno treba da omogući maksimalne sanitarno - higijenske, socijalne i estetsko-dekorativne uslove;
- zelene površine na ovom prostoru treba koncipirati i urediti tako da predstavljaju jedinstvenu kompozicionu cjelinu međusobno, ali i sa planiranim sadržajima;
- zelenilo treba da čini cca 50% od ukupne površine građevinske parcele, s tim da u njegovom sastavu dominiraju elementi prve vegetacione etaže (stablašice) u odnosu na elemente druge i treće vegetacione etaže (grmlje i trava) u omjeru 70/30%, zbog stvaranja ugodnog mikroklimata (hlad);
- obzirom na položaj predmetne parcele koju tangira saobraćajnica te blizina stambenih objekata, prilikom planiranja obodom parcele treba formirati "tampon" sačinjen od stablašica u kombinaciji sa grmljem i/ili živom ogradom, prema prostornim mogućnostima;
- na jugoistočnoj strani obuhvata, uz ulicu Aerodromska, zadržati Planom formirano linijsko zelenilo, pri tom vodeći računa o podzemnim instalacijama;
- na predmetnom lokalitetu, pored elemenata biološke komponente (zastupljene kroz elemente sve tri vegetacione etaže), elementi građevinske komponente treba da su zastupljeni kroz: rekvizite za rekreaciju, pasivni sport i odmor (klupe, korpe, rasvijeta dječija igrališta, i sl.);
- planirani sadržaji treba da su modernog dizajna, inovativni, unificirani za cijelu površinu, te da svojim funkcijama omoguće razvoj motoričkih i kognitivnih funkcija kod korisnika, prvenstveno djece;
- materijalizacija sadržaja i površinska obrada staza i površina treba da je uglavnom od prirodnih materijala (drvo, kamen, uže, trava, popločanje i sl.), sa što manje vještačkih elementa (plastika, asfalt, beton i sl.);
- svi pristupi planiranim sadržajima moraju biti prilagođeni osobama sa poteškoćama u kretanju;
- zelene površine sa rekreativnim sadržajima planirati u skladu sa Uredbom o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo", broj 22/16);
- u dijelu obuhvata gdje se zadržava namjena planirana Regulacionim Planom "Butmir", potrebno je izvršiti reorganizaciju građevinskih parcela za izgradnju individualnih stambeno-poslovnih objekata, te predvidjeti građevinske linije planiranih objekata, spratnosti P1 - P2, vodeći računa o međusobnim udaljenostima;
- koljski pristup objektima planirati iz ulica Mlinska i Aerodromska;
- minimalno učešće prirodnog terena hortikulturno uređenog u okviru građevinske parcele treba da je 30%;
- potrebno je ažurirati geodetsku podlogu u vektorskom digitalnom obliku u mjerilu 1:1000, sa ažurnim podacima o posjedovnom stanju i ažurnom katastru komunalne infrastrukture;
- Elaborat o inženjersko-geološkim i geotehničkim karakteristikama terena za potrebe izrade Regulacionog plana "Butmir" raden je od strane PIGIP d.o.o. Sarajevo 2006. godine kojim je navedeni lokalitet definisan kao stabilan teren. Navedeni Elaborat se može koristiti kao podloga za izradu Izmjene i dopune Regulacionog plana "Butmir" – izgradnja zelenih površina uz dječija i rekreativna igrališta;
- idejna rješenja saobraćajne i komunalne infrastrukture Izmjena i dopuna Plana, usaglasiti sa osnovnim planskim dokumentom i važećim tehničkim normativima. Priključke na infrastrukturnu mrežu utvrđenu važećim Planom projektovati u saradnji sa nadležnim javnim komunalnim preduzećima;
- implementirati planska usmjerenja iz "Elaborata o lokacijama reciklažnih dvorišta, niša i zelenih otoka sa lociranjem u prostorno-planskoj dokumentaciji i investicijskim planom Općine Ilidža" koja su definisana u saradnji Općine, KJKP "RAD" i Zavoda za planiranje razvoja KS;
- prije usvajanja Izmjena i dopuna Plana pribaviti saglasnost na isti od strane svih nadležnih organa i institucija u skladu sa Zakonom o prostornom uređenju ("Službene novine Kantona Sarajevo" broj 24/17, 1/18) i ostalim provedbenim propisima i općim aktima nadležnih organa, kojima se određuju odgovarajući zaštitni infrastrukturni pojasevi i ostala pitanja po kojima je potrebna saglasnost nadležnih organa u postupku odobravanja promjena i zahvata u prostoru.

#### Rokovi za pripremu i izradu Plana

##### Član 5.

Rokovi za pripremu i izradu Plana su slijedeći:

- Odluka o pristupanju izradi Plana: decembar 2022. godine
- Prijedlog Plana: 30 dana od objavljivanja Odluke u "Službenim novinama Kantona Sarajevo" i od obezbjeđenja podloga i IG izvještaja.
- Javna tribina (upoznavanje javnosti): u trajanju od 15 dana od isporuke Prijedloga Plana.
- Usvajanje Plana: 40 dana nakon završetka Javne tribine.

#### Način osiguranja sredstava za izradu Plana

##### Član 6.

Izrada Plana se radi na način da troškove izrade Plana u dostavljenom iznosu od strane Zavoda za planiranje razvoja Kantona Sarajevo obezbijedi Općina Ilidža putem krajnjeg Investitora.

Način plaćanja: avans u iznosu 50% po potpisu Ugovora, 50% po isporuci Prijedloga Plana.

#### Nosilac pripreme Plana i Nosilac izrade Plana

##### Član 7.

Nosilac pripreme Plana je Načelnik Općine Ilidža.

Nosilac izrade Plana je Zavod za planiranje razvoja Kantona Sarajevo.

#### Donošenje Plana

##### Član 8.

Nosilac izrade Plana će izraditi Prijedlog Plana i dostaviti ga Nosiocu pripreme Plana. Nosilac pripreme Plana utvrdit će Prijedlog Plana i podnijeti ga Općinskom vijeću na donošenje.

##### Član 9.

Sastavni dio ove Odluke je grafički prilog sa ucrtanom granicom područja planiranja.

##### Član 10.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-7738/22-1

18. novembra 2022. godine  
Ilidža

Predsjedavajući  
**Tarik Stambolić**, s. r.



IZVOD IZ REGULACIONOG PLANA "BUTMIR" 1:1000  
("Službene novine Kantona Sarajevo" broj 04/89 i 30/09)



■■■■■ GRANICA OBUHVATA IZMJENA I DOPUNA REGULACIONOG PLANA "BUTMIR"  
Izgradnja zelenih površina uz dječija i rekreativna igrališta

$P_{obuhvata} = 0,87 \text{ ha}$

